

0076

B B336 AAB
MAHATHIR - PALESTIN
(1)

KUALA LUMPUR, 29 NOV (BERNAMA) -- MALAYSIA MENYOKONG PENUH CADANGAN MENGADAKAN PERSIDANGAN DAMAI ANTARABANGSA MENGENAI ASIA BARAT YANG MENGHENDAKI SEMUA PIHAK YANG TERBABIT, TERMASUK PERTUBUHAN PERSEBASAN PALESTIN (PLO) DIUNDANG.

DALAM PERUTUSAN SEMPENA MENYAMBUT HARI PERPADUAN ANTARABANGSA DENGAN RAKYAT PALESTIN, PERDANA MENTERI DATUK SERI DR MAHATHIR MOHAMAD BERKATA KERAJAAN DAN RAKYAT MALAYSIA MEMBAHARUI IKRAR UNTUK TERUS MENYOKONG RAKYAT PALESTIN DALAM PERJUANGAN MEREKA Mendapatkan KEADILAN DAN HAK DI TANAH AIR MEREKA SENDIRI.

BELIAU BERKATA RAKYAT PALESTIN TELAH DINAFIKAN HAK MEREKA DAN MENJADI MANGSA PENINDASAN POLITIK, SOSIAL, EKONOMI DAN BUDAYA.

TRAGEDI DAN NASIB RAKYAT PALESTIN HARUSLAH TERUS MENJADI SOAL YANG MENDAPAT PERHATIAN ASAS BAGI SEMUA RAKYAT YANG CINTAKAN KEMERDEKAAN DI MANA JUA, UJARNYA.

DATUK SERI DR MAHATHIR BERKATA WALAUPUN MASYARAKAT ANTARABANGSA TELAH DENGAN TEGAS MENYATAKAN PENDIRIAN TEGUH DI BELAKANG RAKYAT PALESTIN DALAM PERJUANGAN MEREKA, ISRAEL TERUS TIDAK MENGHIRAUKANNYA, ENGGAN MENGHENTIKAN TINDAKAN KEGANASAN DAN PERLUASAN WILAYAH. -- LAGI.

2004MST 29 11 35

0078

B B337 AAB
MAHATHIR - PALESTIN 2 KUALA LUMPUR
(1)

WALAUPUN MASYARAKAT ANTARABANGSA NAMPAKNYA TIDAK BERDAYA MENDORONG ISRAEL SUPAYA MENGHENTIKAN TINDAKANNYA SEKARANG, MEREKA PERLU TERUS MEMBERI SOKONGAN KUKUH BAGI Mencari PENYELESAIAN MENYELURUH TERHADAP MASALAH PALESTIN, KATANYA.

BELIAU BERKATA PENYELESAIAN YANG MENYELURUH DAN ADIL MESTILAH TERMASUK HAK ASASI RAKYAT PALESTIN TERHADAP TANAH AIR MEREKA SENDIRI YANG MERDEKA.

MASYARAKAT ANTARABANGSA MEMPUNYAI TANGGUNGJAWAB SUCI BAGI Mencari KEADILAN UNTUK RAKYAT PALESTIN YANG TELAH DIUSIR DARI TANAH AIR MEREKA DAN HIDUP SEBAGAI PELARIAN, UJAR PERDANA MENTERI. -- BERNAMA.

2007MST 29 11 33